

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ
ԱԶԳԱՅԻՆ ԱԿԱԴԵՄԻԱ
НАЦИОНАЛЬНАЯ АКАДЕМИЯ НАУК РЕСПУБЛИКИ АРМЕНИЯ
NATIONAL ACADEMY OF SCIENCES OF THE REPUBLIC OF ARMENIA

Հայաստանի քիմիական հանդես
Химический журнал Армении 76, № 3, 2023 Chemical Journal of Armenia

ՄՈՒՇԵՂ ՄԻՐՈՒՆԻ ՍԱՐԳՍՅԱՆ



2023թ. հունիսի 23-ին 75 տարեկանում կյանքից հեռացավ ճանաչված քիմիկոս, ՀՀ ԳԱԱ ՕԴԲԳՏԿ-ի օրգանական քիմիայի ինստիտուտի թիվ 8 լաբորատորիայի վարիչ, քիմիական գիտությունների դոկտոր Մուշեղ Սիրունի Սարգսյանը: Նա ծնվել է 1948 թ. հունվարի 2-ին ՀՀ Մարտունու շրջանի Սառնաղբյուր գյուղում: Ծնողներն արտագաղթել են Արևելյան Հայաստան Մեծ եղեռնի տարիներին Մուշից և Վանից: 1950 թ. տեղափոխվել են Նոր Խարբերդ ավան: Մուշեղը սովորել է Երևանի 196-րդ դպրոցում: 1971թ.-ին ավարտել է ԵՊՀ-ի քիմիական ֆակուլտետը և, նույն թվականից աշխատանքի անցնելով ՀՀ ԳԱԱ օրգանական քիմիայի ինստիտուտում, ավագ լաբորանտից հասել է առաջատար գիտ.աշխատողի պաշտոնին: 1978 թ. պաշտպանել է թեկնածուական թեզ «Реакции винилпропаргильных и этинилаллильных хлоридов, простых и сложных эфиров с реагентами Гриньяра»: Մ. Սարգսյանը 1990թ.-ին պաշտպանել է դոկտորական ատենախոսություն «Закономерности и синтетические аспекты окисления простых эфиров азотной кислотой» թեմայով: Մ. Սարգսյանի աշխատանքները վերաբերում են վինիլպրոպարգիլային համակարգերում տեղակայման ռեակցիաների, եթերների օքսիդացման և հիդրօքսիմիններում օդակազմային տառամերիայի խնդիրներին: Հայտնաբերել է բութատրին-ենինային հալոտրոպիայի երևույթը և քողարկված α -էֆեկտը: Բացահայտել է ազոտական թթվով եթերների օքսիդացման ռեակցիաների օրինաչափությունները: Մշակել է կիտրոնաթթվի ստացման մատչելի եղանակ իզոպրենի արտադրության թափոնների հիման վրա: Վերջին տարիների հետազոտությունները նվիրված էին իմինների, արիլիդեն-, էթօքսիմեթիլիդեն- β -դիկարբոնիլային միացությունների (խալկոններ) և նուկլեաֆիլ C-H

թիվների փոխադրեցությունների ուսումնասիրություններին, որի արդյունքում ի հայտ են բերվել բազմաթիվ կարբո- և ազաքիկլիկ կառուցվածքի բազմաֆունկցիոնալ տեղակալված միացությունների սինթեզի նոր, մատչելի եղանակներ: Գիտական գործունեությունը զուգահեռ Մուշեղ Սարգսյանը դասախոսել է ՀՀ ԳԱԱ Գիտակրթական միջազգային կենտրոնում՝ դասավանդելով «Օրգանական քիմիա» առարկան: Անդամակցել է մասնագիտական և գիտական խորհուրդների: Նրա ղեկավարությունում պաշտպանվել է 7 թեկնածուական ատենախոսություն, 9 մագիստրոսական թեզ: Մ. Սարգսյանը հեղինակ է 125 գիտական աշխատանքների՝ հոդվածների և հեղինակային վկայագրերի: Մուշեղ Սարգսյանն օժտված էր մարդկային լավագույն հատկանիշներով՝ ազնվություն, լավատեսություն, մարդկանց օգնելու ցանկություն, որով էլ վայելում էր գործընկերների, հարազատների սերն ու հարգանքը: Այդպիսին էլ նա կմնա իրեն ճանաչողների հիշողություններում:

**ՀՀ ԳԱԱ օրգանական և դեղագործական քիմիայի ԳՏԿ
ՀՀ ԳԱԱ ՕԴՔ ԳՏԿ օրգանական քիմիայի ինստիտուտ
«Հայաստանի քիմիական հանդեսի» խմբագրական խորհուրդ**